



Ministry of Civil Affairs

Broj: 14-16-3-7-7/23
Sarajevo, 29.05.2023. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14 i 59/22), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke usluga održavanja vozila marke Škoda-LOT 2 je UNITRADE d.o.o. Ljubuški sa ukupnom cijenom 15.602,18 KM bez PDV-a, odnosno 18.254,55 KM sa PDV-om. Obavještenje je dana 20.03.2023. godine objavljeno na Portalu javnih nabavki pod brojem: 121-7-2-41-3-32/23, a postupak je proveden u skladu sa procedurom konkurentskog zahtjeva za dostavu ponuda.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 18.04.2023. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle 3 ponude za LOT 2 i to ponuđača: AUTOMERC ŠKORO d.o.o. Kiseljak, AC QUATTRO d.o.o. Sarajevo i UNITRADE d.o.o. Ljubuški. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača AUTOMERC ŠKORO d.o.o. Kiseljak je neprihvatljiva iz razloga što cijena prelazi planirana, odnosno osigurana novčana sredstva ugovornog organa za nabavku. Naime, ukupna cijena ponuđača AUTOMERC ŠKORO d.o.o. Kiseljak je 17.327,00 KM bez PDV-a, a za LOT 2 su planirana sredstva u iznosu od 16.641,00 KM bez PDV-a. Osim toga, ponuda ponuđača AUTOMERC ŠKORO d.o.o. Kiseljak je neprihvatljiva iz razloga što nije dostavljen Aneks 9-Nacrt Okvirnog sporazuma, iako je tačkom 3 i 28 Konkurentskog zahtjeva jasno navedeno da ponuda mora sadržavati sve anekse koji su sastavni dio tenderske dokumentacije. Radi se o Aneksu čiji sadržaj nije identičan za oba LOT-a, te su ponuđači isti bili obavezni dostaviti uz svaki LOT. Iz navedenog razloga ponuda ponuđača AUTOMERC ŠKORO d.o.o. Kiseljak je odbačena.

Ponuda ponuđača AC QUATTRO d.o.o. Sarajevo je nepravilna iz razloga što nije ispravno popunjen Aneks 9-Nacrt Okvirnog sporazuma. U konkretnom slučaju nisu upisani podaci koji se odnose na cijenu, iako je u tački 15. Konkurentskog zahtjeva za dostavljanje ponuda navedeno sljedeće: Ponuđači su dužni uz ponudu dostaviti Nacrt Okvirnog sporazuma u koji su unijeli podatke iz svoje ponude, parafirati sve listove Nacrta Okvirnog sporazuma, te ga potpisati i ovjeriti. Osim toga, ponuda ponuđača AC QUATTRO d.o.o. Sarajevo je neprihvatljiva iz razloga što cijena prelazi planirana, odnosno osigurana novčana sredstva ugovornog organa za nabavku. Naime, ukupna cijena ponuđača AC QUATTRO d.o.o. Sarajevo je 17.230,08 KM bez PDV-a, a za LOT 2 su planirana sredstva u iznosu od 16.641,00 KM bez PDV-a. Iz navedenih razloga ponuda ponuđača AC QUATTRO d.o.o. Sarajevo je odbačena.

Ponuda ponuđača UNITRADE d.o.o. Ljubuški je prihvatljiva, dostavljeni su svi traženi dokazi propisani tenderskom dokumentacijom, na propisan način.

Analizom ponuda, primjenom kriterija najniža cijena, Komisija za nabavke je utvrdila sljedeće:

Najpovoljnija je ponuda ponuđača UNITRADE d.o.o. Ljubuški sa ukupnom cijenom 15.602,18 KM bez PDV-a, odnosno 18.254,55 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA
dr. sc. Dubravka Bošnjak



Dostavljeno:

1. Ponuđaču - elektronski
2. Web stranica Ministarstva – na objavu
3. a/a